

## ԿԱՆՈՆԱԴՐՈՒԹՅՈՒՆ

### «ԶԱՐԳԱՑՈՂ ԳԱՂԱՓԱՐ» ՈՒՍԱՆՈՂԱԿԱՆ ԲԻԶՆԵՍ ԻՆԿՈՒԲԱՏՈՐԻ

#### 1. ԸՆԴՀԱՆՈՒՐ ԴՈՒՅԹՆԵՐ

- 1.1 «Զարգացող գաղափար» ուսանողական բիզնես ինկուբատորը (այսուհետ՝ Բիզնես ինկուբատոր) համարվում է՝ Հյուսիսային համալսարանի (այսուհետ՝ Համալսարան) «Տնտեսագիտության կառավարման և ինֆորմատիկայի ֆակուլտետ»-ին (այսուհետ՝ Ֆակուլտետ) կից ոչ առևտրային գործունեություն իրականացնող սուբյեկտ, որի գործունեության իրավական հիմքերը սահմանվում է սույն կանոնադրությամբ:
- 1.2 Բիզնես ինկուբատորը իր հիմնական գործունեությունից շահույթ ստանալու նպատակ չի հետապնդում, սակայն իրավունք ունի մատուցելու վճարովի ծառայություններ և իրականացնելու ստեղծման նպատակներին համապատասխանող ձեռնարկատիրական գործունեություն:
- 1.3 Բիզնես ինկուբատորը կարող է ունենալ տարբերակիչ նշան, պաշտոնական էջ և Համալսարանի հովանու ներքո՝ զբաղվել սեփական գովազդով:
- 1.4 Բիզնես ինկուբատորի գործունեության շահառուներն են՝ ուսանողները, պրոֆեսորադասախոսական համակազմը, Համալսարանի վարչակազմը, գործատուները:
- 1.5 Բիզնես ինկուբատորի անվանումն է՝
  - 1.5.1 հայերեն՝ «Զարգացող գաղափար» ուսանողական բիզնես ինկուբատոր
  - 1.5.2 ռուսերեն՝ Студенческий бизнес-инкубатор «Развивающая идея»
  - 1.5.3 անգլերեն՝ "Progressing Idea" student business incubator
- 1.6 Բիզնես ինկուբատորի գտնվելու վայրն է՝ ք.Երևան, Ալեք Մանուկյան 15<sup>ա</sup>:

#### 2. ԲԻԶՆԵՍ ԻՆԿՈՒԲԱՏՈՐԻ ԳՈՐԾՈՒՆԵՈՒԹՅԱՆ ՆՊԱՏԱԿԸ, ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԻ ՇՐՋԱՆԱԿԸ

- 2.1 Բիզնես ինկուբատորի գործունեության հիմնական նպատակն է՝ հավաքագրել նորարարական գաղափարներ և դրանք գեներացնել համալսարանական ներուժով: Բիզնես ինկուբատորի գործունեությունը նպատակաուղղված է նոր բիզնես գաղափարների գեներացմանը, Ֆակուլտետի ուսանողների մոտ գործնական հմտությունների և կարողությունների ձևավորման աջակցմանը, հետազոտական բաղադրիչով ուսումնառության կազմակերպմանը և ժամանակակից աշխատաշուկայի պահանջներին համապատասխան՝ «ստեղծարար» շրջանավարտների պատրաստմանը:
- 2.2 Բիզնես ինկուբատորի առանցքային խնդիրներն են՝
  - 2.2.1 Բիզնես տեսական գիտելիքների տեղափոխումը կիրառական հարթակ, որը ուսանողներին հնարավորություն կնձեռի ձեռք բերել կիրառական հմտություններ և աշխատանքային փորձ.
  - 2.2.2 աշխատաշուկայի մասնագիտական կրթական ժամանակակից պահանջների տեղայնացում՝ Համալսարանում իրականացվող համապատասխան ՄԿԾ-ում.

2.2.3 գաղափարների ինկուբացիա և փոխանցում կիրառական ձեռնարկատիրության ոլորտ .

2.3 Բիզնես ինկուբատորի գործառույթների շրջանակը .

2.3.1 նորարական բիզնես գաղափարների հավաքագրման մրցույթի կազմակերպում .

2.3.2 լավագույն գաղափարների ընտրության կազմակերպում .

2.3.3 ընտրված գաղափարների բաշխում ինկուբացիոն խմբերի միջև .

2.3.4 գաղափարների գեներացման գործընթացի ճանապարհային քարտեզի մշակում .

2.3.5 ինկուբացիոն արդյունքների ներկայացում՝ շահառուներին:

### **3. ԲԻԶՆԵՍ ԻՆԿՈՒԲՄԱՏՈՐԻ ԻՐԱՎԱՍՈՒԹՅՈՒՆՆԵՐԸ ԵՎ ՊԱՏԱՍԽԱՆԱՏՎՈՒԹՅԱՆ ՇՐՋԱՆԱԿԸ**

3.1 Բիզնես ինկուբատորին վերագրված իրավասություններ .

3.1.1 բիզնես ինկուբատորի անձնակազմի հավաքագրում և ինկուբացիոն խմբերի ստեղծում .

3.1.2 սկսնակ բիզնեսի զարգացման պայմաններին աջակցում .

3.1.3 բիզնես նախագծերի մշակման ծառայությունների մատուցում .

3.1.4 բիզնես միջավայրում խորհրդատվական ծառայության մատուցում .

3.1.5 մարքեթինգային, սոցիոլոգիական և սոցիալ-տնտեսական հետազոտական ծառայությունների մատուցում:

3.2 Բիզնես ինկուբատորի պատասխանատվության շրջանակ .

3.2.1 բիզնես ինկուբատորը իր գործունեության արդյունքներով հաշվետու է շահառուներին .

3.2.2 բիզնես ինկուբատորը հետևողական է ձեռներեցական էթիկային և առևտրային գաղտնիքի պահպանմանը .

3.2.3 բիզնես ինկուբատորը պատասխանատու է իրեն հատկացված ռեսուրսների նպատակային օգտագործման համար:

### **3. ԲԻԶՆԵՍ ԻՆԿՈՒԲՄԱՏՈՐԻ ԿԱՌԱՎԱՐՈՒՄԸ**

3.1 Բիզնես ինկուբատորի կառավարումն իրականացվում է սույն կանոնադրությանը համապատասխան:

3.2 Բիզնես ինկուբատորի կառավարման մարմիններն են՝

ա/ կառավարման խորհուրդը, որի կազմը և նախագահը ընտրվում է ինկուբատորի անդամների կողմից .

բ/ ինկուբատորի գործադիր տնօրենը, ով համակարգում է ինկուբատորի գործառույթները .

բ/ գործադիր տնօրենի տեղակալը, ով աջակցում է ինկուբատորի գործունեության համակարգմանը.

գ/ Ֆակուլտետի ուսանողներ:

- 3.3 Բիզնես ինկուբատորի կառավարման խորհրդի անդամները իրավունք ունեն՝
  - 3.3.1 սույն կանոնադրությամբ սահմանված կարգով մասնակցել կազմակերպած աշխատաժողովներին, հանդես գալ առաջարկություններով, մասնակցել օրակարգային հարցերի քննարկմանը և քվեարկել որոշումներ ընդունելիս.
  - 3.3.2 բիզնես ինկուբատորի կողմից մատուցված վճարովի ծառայություններից ստանալ եկամուտ.
  - 3.3.3 տիրապետել Բիզնես ինկուբատորի գործունեության մասին տեղեկություններին և հաշվետվություններին:
- 3.4 Բիզնես ինկուբատորի անդամները պարտավոր են՝
  - 3.4.1 սույն կանոնադրությամբ սահմանված կարգի համաձայն ստանձնել իրեն վերապահած իրավունքներն ու պարտավորությունները.
  - 3.4.2 ապահովել աշխատանքային գործընթացի արդյունավետությունը.
  - 3.4.3 սահմանված ժամկետում կատարել ստանձնած բոլոր հանձնարարականներն ու առաջադրանքները.
- 3.5 Բիզնես ինկուբատորի անդամների մասնակցությամբ աշխատաժողովները հրավիրվում է գործադիր տնօրենի կողմից՝ եռամսյակը մեկ անգամ: Արտահերթ ժողով կարող է տեղի ուենանալ յուրաքանչյուր անդամի նախաձեռնությամբ:

#### 4. ԲԻԶՆԵՍ ԻՆԿՈՒԲԱՏՈՐԻ ԳՈՐԾՈՒՆԵՈՒԹՅԱՆ ՄԻՋՈՑՆԵՐԸ

- 4.1 Բիզնես ինկուբատորի գործունեության միջոցները ձևավորվում են Համալսարանի հովանավորությամբ և պատվիրատուների միջոցով, նաև՝ դրամաշնորհներով:
- 4.2 Բիզնես ինկուբատորի ֆինանսական հոսքերը կառավարվում են Համալսարանի կողմից:

Հաստատում եմ՝

Ընդունվել է

Հյուսիսային համալսարանի

Հյուսիսային համալսարանի

ռեկտոր՝ Մ.Մակիչյան

Տնտեսագիտության և կառավարման

ամբիոնի 2022 թվականի N նիստում

ամբիոնի վարիչ՝

Ա.Ճուղուրյան